



Minggu, 22 Desember 2024
Ogen: Kuan-kuanen 23:12-16



Kemalemen Ate Nande



Paksa perpudi enda, la sitik orangtua, ngakuken maka kurang sehat daging kulana, sakit (naik gula, tensi, latih rukur) erkiteken ngukuri anak-anakna. Lit si gutul, la megiken ranan, si nangko, judi online, free seks ntah pe narkoban. Asakai pe erta, ulih latih si enggo ipepulung, banci keru kerina. Apaika laka lit buatenta, kerina enda jadi perbeben si mberat. Seh maka la sitik si kelsehen. Lanai lit kemalemen ate, enggo keru sinasa lit, nina ka deba nuri-nuri. Banci jadi enda sada bagin turi-turin geluh orangtua, ntah pe nande i bas mpebelin ras ngarak-ngarak anak i bas jabu. Bagenda kepe belinna tanggungjawab si ibereken Dibata man banta, mpekena-kena anak i bas jabu jadi generasi masa depan, nikapken sada bangsa, anggota masyarakat, warga gereja i bas masa depan. La menukah kepe. Apai ka adi e sibahan jadi sukat-sukat kemalemen ateta, banci labo enterem singgejabken kemalemen ate e.

Bagenda me si isuratken Kuanen-kuanen man banta, maka meriah kal ukur orangtua adi anakna pentar, berhikmat ndalani kegeluhen enda. Iangkaina kegeluhen, iertina pusuh nandena, singangkai ukur kal. Ersurak pusuh dikune ranan siibelaskenna e, jadi tambar, lau si malem-malem kal man banta. Bagi si megati ibelasken 'anakku tambar latihku.' Lanai igejab latih, bage kepe sada bentuk kemalemen ateta. Labo erta kebayaken si jadi sukat-sukatta. Guna si enda, metode pengajaren ras pendidikennta pe labo seri kerina.

Tapi dikune la bage si jadi, la nge ndia sigejab ras sinanami kemalemen ate i bas segedang geluh? Mari, perlu kal kita ngapuli pusuh dikune la e jadi i bas anak-anakta. Asa ngasup gegehta, sibereken pengajaren arah keleng ate man anak-anakta, metenget nandangi kegutulen jaman enda, adi asa ngasup gegeh enggo iperjuangken, endesken man Yesus.

✎ *Jesus temannta, ulu kemalemen ate si tahu-tuhu*